



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Isidorvs C. 12. Martii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

probant, quem quidem specie columbæ obvolitantem capiti ejus non unus vidit. Sed & ad preces illius Angelorum panis in carnem abiit, & hæsitanti femina fidem mysteriorum fecit. Tale columen Christiani orbis subruere tamē Mauritius Imp. cogitavit. Sed mox impiæ mortis consilium morte ipse non unâ luit, toties mortuus priusquam moreretur, quot sub securi filios vidit mori. Ipse idem fatum cū conjugē contra omnium parentum vota ultimus subiit. GREGORIVM verò mortuum ferunt anno DCIV. sed rectius vivere illum etiamnum, & immortalē vivere in suis libris dicemus. *Ex Surio.*

S. ISIDORVS C. 12. Martii.

ISIDORVM rusticum virtus nobilitavit. Invidete vos, quibus honorum titulos vel cunæ alienæ donarunt, vel nummi rursus mercati sunt. Quod si ridere serico cachinno terræ filios lubet, cur non eodem risu excipitis Angelos, quos ISIDORI vicem, dum hic precatur, fulcare non jam aërem pen- nis, sed aratro terram, custodire non jam homines, sed hominis mulos, & baculo in lupos pugnare conspicitis? Nimirum, quorum conspectum vos horrorem, præsentiam nauteam ducitis, cum his nobiles cæli cives esse delicias suas putant; vos hircum interim

his

his oletis; vobis cum omnia adsunt, omnia desunt; at ISIDORO cum libuit, olla pulles dedit, & pauper mensa pauculis structa, hospites eadem totos pauperum manipulos admisit saturosque dimisit. Ite jam & sceptro imperare homunculis timidis. Opilio noster baculo rudi toti naturæ imperat, & nunc aquas jubet ire, ubi non sunt aquæ; nunc quos vos timetis morbos, & quam vos fugitis mortem fugat. Vos generosos terræ vermiculos, ne in prædam cedatis ignobilioribus vermibus, frustra myrrhæ armant, frustra balsama propugnant. At ISIDORVM annos ab obitu CCCC. & L. integrum servavit virtutis odor, quando laudes illius pleno ore campana æra suoapte motu impulsa cantarunt. Rectè igitur nobilitatem hanc anno M. DC. XXIII. Greg. Pont. Max. Cælitum honoribus condecoravit. Vos quoque qui largo pulmone nequicquam nobiles spiritus spumatis, è viâ cedite; Rusticus noster in cælo etiâ reges præit. *Ex actis Canon.*

S. THEOPHANES C. 12. Mart.

PATRIA THEOPHANI urbs regia Constantinopolis, parentes Ifacius & Theodota fuerunt, e principe ambo familiâ. In locum patris demortui ipse Imperator subiit, trimulumque in aulâ suâ omnibus disciplinis erudiri fecit.

K 3 Sed